



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.65. Concilium Coloniense.

[urn:nbn:de:hbz:466:1-66255](https://nbn-resolving.org/urn:nbn:de:hbz:466:1-66255)

Sæcul XIII.
A. C. 1260.

xandro IV. accitus Romam, sacroque palatio præfectus S. Joannis Evangelium ac Epistolas canonicas explicavit. In disputationibus contra Guilielmum de Sancto Amore magnam habuit partem. Tandem cum plures dignitates a Papa sibi oblatas renuisset, Episcopatum Ratisbonensem adeptus, vestem, non vivendi modum mutavit, sæpe de rebus divinis dicens ad populum, omnesque officii sui functiones ita peragens, ut sua prosequi studia suosque libros componere haud omitteret.

§. LXV.

Concilium Coloniense.

to. XI conc.
p. 781.

e. i.

Hoc anno 1260 plura concilia celebrabantur. Conradus Archiepiscopus Coloniensis provinciam suam jussu Papæ recognoscens multa ibi vitia exemplum malum præsentia deprehendit: & Coloniæ reversus ibidem concilium provinciale habuit, in quo disciplinæ causa quatuordecim canones pro Clero, & viginti octo pro monachis 12 Martii 1260 promulgari jussit. Notatu digniores habet. Concubinos publicos judicamus Clericos non tantum eos, qui domi suæ concubinas tenent, sed & illos, qui eas alibi habitantes suis sumptibus alunt, & sustentant. Quos in recognitione nostra ut tales

les notavimus, ii cessabunt in posterum a malo commercio suo, & in poenam vitæ præteritæ carcerem canonicum intrabunt, ibi secundum disciplinam hæctenus observatam victuri! Pro redivis suis tam male impensis Ecclesiæ satisficient: liberis ex libidine sua natis testamento nihil relinquent, nec eorum nuptiis intererunt!

Clerici mercaturam non facient, alioqui easdem carceris, ac restitutionis poenas subituri. Legere saltem canereque scient. Canonicorum Ecclesiæ, quæ dormitoria non habent, communibus impensis aliqua construi curabunt: & Canonici Ecclesiarum, quæ jam habent aliqua, ibi dormient, ut olim factum. Cantabunt cunctas vigilias pro mortuis fundorum largitoribus, quamvis denarios non legaverint in choro præsentibus distribuendos: deinde suum intrabunt senaculum, seu locum capituli, ubi martyrologium, necrologium & canones legentur. Sacerdotes sacrum facturi supparum lineum sub alba gerent, ne sua toga sacram hanc vestem proxime contingat. Canonici haud sæpe comedent dormientve extra ecclesiarum suarum ambitum: quem vocamus claustrum. Panem canonicum in natura ex communi pistrino accipient, non annonam ad vendendum. Immunitatis suæ spatium muris circum-

Sæcul XIII.

A.C. 1260.

c. 2.

c. 7.

c. 11.

c. 14.

U 4

datum,

Sæcul. XIII datum, claustrisque validis munitum habebunt.
A. C. 1260.

Sanctiones pro monachis indicio sunt, disciplinae remissionem inter eos fuisse magnam. Quidam incontinentiae nota laborabant; verberabant mutuo; rem propriam habebant saltem permissu Praefulis. Exhibant crebro, & interdum ante primam, vel post completorium, ut vocant: aliqui sub hospitalitatis specie privatim comedebant. Abbates Benedictini quotannis ad festum S. Crucis exaltatae diem Coloniam venire iubentur ibi comitia celebraturi. Monachi Abbati vel Priori suo sacras confessiones suas fecisse videntur.

§. LXVI.

Concilium Conacense & alia.

10. XI. conc.
p. 799.

c. 1.

c. 2.

Petrus Roncevallensis Archiepiscopus Burdigalensis, qui nuper Geraldo successerat, hoc anno 1260 Conaci concilium provinciale habuit, in quo 19 constitutiones fecit. Nemo profanus vigilet in templis ac coemeteriis, ne facinora probrosa & violenta ibi, ut haecenus, perpetrentur, & illorum reconciliatione sit opus. Ergo populus tunc officiis nocturnis aderat. Festo Sanctorum Innocentium die nulla in templis saltatio fiat: nec ibi creentur Episcopi in Pontificiae dignita-